



XALQ DEPUTATLARI NUROTA TUMAN KENGASHI

210700, Nurota t., Islom Karimov sh. k 48, tel: (79)523-12-00

2022 - yil 23 - iyul

VII-41-99-5-74-K/22

Nurota tumani hokimligi

2022 йилнинг 6 ойи давомида Жиноят ишлари бўйича Нурота туман суди томонидан одил судловни амалга ошириш борасидаги ишлари тўғрисида

Сўнги йилларда туманда суд-ҳуқуқ тизимини янада такомиллаштириш, фуқаро ва тадбиркорларнинг ҳуқуқ ва қонуний манфаатларини ишончли ҳимоя қилиш чораларини кучайтириш, одил судловни самарали таъминлаш ҳамда судьялар ҳамжамияти ролини ошириш бўйича изчил ишлар олиб борилмоқда.

Амалга оширилган ишлар натижасида одил судлов жараёнида инсон ҳуқуқларини ҳимоя қилиш даражаси янги босқичга чиқди.

Жиноят ишлари бўйича Нурота туман суди томонидан 2022 йил 6 ойи давомида 22 та шахсга нисбатан 20 та жиноят ишлари кўриб тамомланган. Шундан 18 та шахсга нисбатан 16 та иш бўйича ҳукм чиқарилган, 3 та шахсга нисбатан 3 та жиноят иши тугатилган.

Ҳукм чиқарилган ишлардан 4 та иш бўйича 5 та шахсга жарима, 7 та шахсга ахлоқ тузатиш ишлари, 5 нафар шахсга нисбатан озодликни чеклаш ва 1 нафар шахсга нисбатан озодликдан маҳрум қилиш жазолари тайинланган.

Ҳисобот даврида 52 та ҳукм ижроси билан боғлиқ материаллар кўрилган. Хусусан, 7 нафар шахсга нисбатан “қамоққа олиш” тарзидаги эҳтиёт чораси қўллаш тўғрисидаги ишлар кўрилган.

Ўзбекистон Республикаси Президентининг суд органлари тизимида одил судловни таъминлаш борасидаги ишларнинг ахволи, муаммолар ва келгусидаги вазифаларнинг муҳокамасига бағишланган йиғилишда суд ишларини 30 фоиздан кам бўлмаган миқдорда сайёр суд мажлисларда кўриш белгиланган бўлиб, туман суди томонидан жами кўрилган ишлардан 12 таси яъни 50 фоизи сайёр суд мажлисларида кўрилган.

Шунингдек, ушбу даврда суд томонидан ҳукм чиқариш йўли билан тамомланган ишларнинг барчасига ёки 128,0 фоизи бўйича хусусий ажрим чиқарилган бўлиб, хусусий ажримларнинг 7 таси ҳуқуқни муҳофаза қилувчи органларга, 10 таси маҳалла фуқаролар йиғинларига, 10 таси корхона, муассаса ва ташкилотларга чиқарилган.

Ҳисобот даврида телевидение орқали 8 маротаба, 20 маротаба веб-сайтларда, газета орқали 14 маротаба, радио орқали 5 марта, 85 маротаба лекция, суҳбат ва учрашувлар ўтказилган, шундан 11 маротаба аҳоли ўртасида, 5 маротаба ўқув муассасаларда, 4 маротаба корхона, ташкилотларда ва бошқа жойларда давра суҳбатлари, семинарлар ўтказилган.

Ўзбекистон Республикаси Президентининг 2020 йил ПФ-6127-сонли “Судьяларнинг чиканам мустақиллигини таъминлаш ҳамда суд тизимида коррупциянинг олдини олиш самарадорлигини ошириш чора-тадбирлари тўғрисида”ги фармони ижросини таъминлаш ҳамда судьялик касбига тайёрлаш ва

тайинлаш тизимини такомиллаштириш, малакали кадрларни танлаш, фуқароларнинг одил судловга бўлган ишончини ошириш мақсадида Ўзбекистон Республикасининг “Маҳаллий давлат ҳокимияти тўғрисида”ги Қонунининг 6, 24-моддаларига асосан халқ депутатлари Нурота туман Кенгаши

Қ А Р О Р Қ И Л А Д И:

1. Жиноят ишлари бўйича Нурота туман суди раиси Ф.Раҳмановнинг “2022 йил 6 оyi давомида жиноят ишлари бўйича Нурота туман суди томонидан одил судловни амалга ошириш борасидаги ишлари”ги ахбороти маълумот учун қабул қилинсин.

2. Жиноят ишлари бўйича Нурота туман суди (Ф.Раҳманов):

суд тизимини янада такомиллаштириш, суд амалиётини халқчиллаштириш ва судга муурожаат этган ҳар бир шахснинг ҳуқуқ ҳамда эркинликларини ишончли ҳимоя қилинишини таъминлаш;

туманда жиноятларни жиловлаш, жиноятчилик профилактикасини янада такомиллаштириш, одил судловни таъминлаш ва коррупциядан ҳоли ҳудудга айлантириш;

ортиқча бюрократик тўсиқ ва ғовларни олиб ташлаш, соҳани рақамлаштириш, жойлардаги коррупция кўринишлари намоён бўлишига олиб келадиган тизимли муаммоларни ўрганиб, бартараф этиш;

фуқароларнинг ҳуқуқий онгини оширишда судларнинг ўрнини янада кўтариш, судьяларнинг фуқаролар билан бевосита мулоқотда бўлиши ва уларнинг дарду-хасратларини жойларга чиқиб эшитиш;

судьялар фаолиятини қонун ва адолат талаблари асосида самарали ташкил этиш, қатъий тартиб-интизом ва шахсий жавобгарлик юзасидан зарур чора-тадбирлар кўриш;

иш юритишда йўл қўйилган камчиликларни ўз вақтида бартараф қилиш, ишларни кўришда қонунда белгиланган муддатларга риоя қилинишини таъминлаш;

мутасадди ташкилотлар билан биргаликда ҳудуддаги “аёллар, вояга етмаганлар, ёшлар” жиноятчилигини доимий равишда таҳлил қилиб, тегишли МФЙларда тарғибот ишларини ўтказиш;

судда кўрилган ишлар бўйича қабул қилинадиган суд қарорларини суд мажлиси иштирокчиларига батафсил тушунтириш;

жойларда муаммоларни ҳал этиш мақсадида халқ билан очиқ мулоқотлар ўтказиш, судьялар томонидан одил судловни амалга ошириш жараёнлари, халқ билан мулоқот натижалари ва суд фаолиятига доир бошқа масалалар доимий равишда оммавий ахборот воситаларида ёритилсин.

3. Мазкур қарорнинг ижросини назорат қилиш халқ депутатлари Нурота туман Кенгашининг Суд-ҳуқуқ масалалари ва коррупцияга қарши курашиш бўйича доимий комиссия раиси (М.Тўйчиев) зиммасига юклатилсин.

Кенгаш раиси



A.Fayziyev